

Mbunda - Cikulaeso Visoneka - Promises Scriptures

Kushangumuka 20:6 Co Njambi wamukumbulwile mu njozi ngwendi, "Eyo, njazivuka ngeci yove kuwesi na mulonga. Mukemwo vene njakunyungile ngeci kesi ulinge cuma cimo na Sala.

Kutuuka 35:21,26 co munu woshe uje mbunge yendi yamusindiiye na woshe uje wakele na cizango cakulinga ngacije wanenele mulambu kuli Shukulu Kalunga yakutungisa Mbalaka Mwakuliwanena. Co vanenele vyuma vyoshe vije vyashakiwile mukupangesa Mbalaka Mwakuliwanena, na vipangi vyayo vyoshe, amo na vuzalo vwakujela vwa vuka-kukombelela. 26 Lalo vombwele vwanda vwa maka a vimembe.

Kulava 10:35 Oshe aje acashangumukilile Cikasa ca Cikumiyo kukatuka, Mosesa wendekele ngwendi, "Katuka, yove Shukulu Kalunga, shandola vitozi vove nakusheka vaje vakuzinda!"

Kwituluka mu Mashiko 2:25 Co kutunda ku litangwa lya lelo vene nijikazivisa vanu lyova lyakumitewa. Co munu woshe akaziva ali yeni akajaja na lyova.'

Kwituluka mu Mashiko 9:3 Ngecivene, zivukeni ku litangwa lya lelo ngweni Shukulu Kalunga Njambi akaya kulutwe Iweni ngwe tuhya twa vukalu manene, ikeye akavanyongesa nakuafungulula ku mesho eni, ngecivene, mukavasheka nakuvanyongesa vwasivwasivasi, ngwe mwamikulaesele Shukulu Kalunga.

Yoshwa 2:9 wendekele kuli vakevo ngwendi, "Njazivuka ngeci Shukulu Kalunga namyana lifuti eli. Munu na munu alinakulijajela mu lifuti lino omwo yeni.

1 Samwele 17:48,50 Ngolyata washangumukile kuya nakushwenya kuli Ndaviti lalo, co Ndaviti wazambwilile kulutwe Iwa vaFilisitiya ku mukana wa nzita nakulwa nendi. 50 Ngecivene, Ndaviti wahyanene kaFilisitiya na cipapa ca kenya, na limanya, co limanya lyakwatele Ngolyata, lyamutsiile, Ndaviti kakwatele mukwale mu livoko lyendi.

Esita 8:17 Co mu vinganda vyoshe na mu lifuti lyoshe, kuje kuvalavele lishiko lya mwene, vaYunda valingile ciwano cakuhwima nakulikela kulya nakuvwaelela. Co mu ngila eyi, vanu vavangi veka vemukile kupwa vaYunda, omwo vakele na lyova ali vakevo.

Yombi 29:14 Njazalele vushunga ngwe vuzalo, co vukevwo vwanjifwikile, co kulongwa kwange kwapwile ngwe cikoveyo cacilaja, nakupwa ngwe cilongo.

Visimo 13:11 Vufuko vwakuwana mu ngila yaivi vukahu vwasivwasivasi, oloni uje avuwana nakuundangana kwendi vavenya akakala navwo vwavungi.

Visimo 13:22 Munu wamuvwa asezela vatekulyendi vushwana, oloni vufuko vwa vaka-vuvi vakawwambata kuli vaka-vushunga.

Visimo 22:22,23 Kesi unyanyamene tuutu, nambe kuvakwisa omo vali mu mbanja. 23 Omwo Shukulu Kalunga ikeye muka-kuvalwila, co vyoshe vije ulinga kuli vakevo, Shukulu Kalunga akavilinga lalo kuli yove.

Isaya 35:8 Tapalo yaivwa ikaita muje, vakaitumbula ngwavo, "Tapalo Yakujela." Kukwesi muka-vuvi akendamo, kukwesi cilema akasevwisa vaje vaikava.

Isaya 43:2 Omo ukaita mu mema akulova, njikakala nove, kuwakakuzuvika

embwe. Omo ukaita akati ka tuhya, kuukenye embwe, vyeseko vyakama vije vikaija ali yove, kuvikakuvulumuna.

Isaya 49:25 Shukulu Kalunga akumbulula ngwendi, “Eci cikeco cikasholoka. Vanu va nzili vakavanyeka vinzinda vavo, na vufuko vwa munu wa muuka vakavwambata. Njikalwisa woshe uje akakulwisa, co njikapatula vana vove.

Isaya 54:17 Oloni kukwesi citwa cikasa kukuvulumuna, ukasa kukumbulula vaje voshe vakendeka majwi a makuli ali yove. Njikemanena vangamba vange nakuvahyanesa.” Mwanendeka Shukulu Kalunga.

Isaya 59:17,19 Akazala kulongwa ngwe cikoveyo ca nzita ca a nulo, kwamena kupwa ngwe tepa ya nzita ya ku mutwe. Vukalu na shambandinga vikapwa ngwe vuzalo vwendi. 19 Kutunda mu ngangela nakweta mu kangombe ka yambi, vanu voshe vakakomoka vukama vwa nzili yendi. Akaija ngwe mema a cingungu-muta, ngwe lihunzi lyakama.

Isaya 61:10 Yelusalema ijoleta omwo vije vyanalingi Shukulu Kalunga. Shukulu Kalunga nafu ngwe shombolwa nazala vuzalo vwa vushombolwa. Njambi namwamena nakumuhyanesa.

Ezekiyele 22:30 Yange njashakezekele munu umo uje asa kutunga civumbe, nakwimana mu mitambela muje munatavozoka vivumbe, nakunyunga lifuti omo vukalu vwange vushaka kulinyongesa, oloni naumo wai njawanenemo.

Ezekiyele 45:8 Mutambela ou ukapwa wa mwene uje alinakushwana mu lifuti lya Isalele, ngeci kesi akayandese lalo vanu, oloni mutambela ukwavo wa lifuti ukapwe wa miyati ya Isalele.

Daniel 4:16 A myaka itanu na ivali kakakala na mana a vunu, oloni akakala na mana a kasitu.

Daniel 7:4 Cikashama wakulivanga wafwile ngwe ndumba, oloni wakele na mambava ngwe a ngonga. Omo njakengeleko, co aje mambava ashutukile. Co uje cikashama vamwimikile, co wemanene lwi ngwe munu. Co vamwanene mana a vunu.

Zakaliya 4:6 Co kangelo wanjilekele kwambulula majwi awa kuli Zelumbambele akutunda kuli Shukulu Kalunga ngwange Shukulu Kalunga nendeka ngwendi, “Yove ukahyana, kesi na nzili ya vushwalale nambe na nzili yove vavenya embwe, oloni na Munzinzime wange.

Mateo 24:22 Co nga Njambi kaakeesele matangwa aje, nga munu naumo wai akovoka. Oloni naakeesa omwo vanu vendi vaje vaangwile.

Mateo 26:41 Toneni nakulombela kutewa mukovela mu vyeseko. Mbunge ishaka vene, oloni muvila unazeye.”

Mako 10:48-52 Co ije mbunga ya vanu vamuvindele ngeci oloke kuluu. Oloni ikeye watambekele manene-nene ngwendi, “Ove Muna Ndaviti, njizivileko mema ku mbunge!” 49 Co Yesu wemanene wavalekele ngwendi, “Musaneni.” Ngecivene, vamusane uje munalume wakapuputwa. Vendekele ngwavo, “Simpa! Katuka nakusana.” 50 Co wombilile cikoveyo cendi, walupukile, co wezile kuli Yesu. 51 Co Yesu wamwihwile ngwendi, “Vika ushaka njikulingilevyo?” Co uje kapuputwa wamukumbulwile ngwendi, “Mulongisi, njishaka ngeci njimone lalo.” 52 Co Yesu wamulekele ngwendi, “Ya, omwo

kukulaela kwove kunakukangwisa." Co aje vene watonene, co wakavele Yesu mu ngila. (Mateo 20:30-34)

Mako 16:20 Vandongisi vaile nakwambulula kwshe, co Mwene wapangele amo navo nakushulisa ngeci kwambulula kwavo kwapwile kwa vushunga a vizivukiso vije vyalingiwile.

Luka 14:23 Co shukulu yendi wendekele kuli ikeye ngwendi, 'Ya ku vitapalo vyakama na ku tuvingila twatundondo ukasindiye vanu vaije kuno ngeci njovo yange yakushule.

Luka 21:15 omwo njikamyana majwi na mana ngeci vitozi veni kuvakasa kumivayesa nambe kuvyana vimukendeka.

Luka 21:36 Nyanyameni nakulombela simbu yoshe ngeci mukakale na nzili yakuhyana vyoshe vije vikalingiwa nakwimana ku mesho a Muna Munu."

Yowano 17:15 Kunjikulombo ngeci uvatundise ano a kaye embwe, oloni njikulomba ngwange uvanyunge kuli Citozi.

Vilinga nya Miluwa 11:23 Omo Mbanambase wetele kuje wamwene muje vati Njambi navezikisilamo vanu, wavwaelelele nakuvalambelela voshe ngeci vapwe va kulongwa na vaka-vushunga kuli Mwene na vimbunge vyavo vyoshe.

Vilinga nya Miluwa 13:48 Omo vaje kesi vaYunda vazivile eci, vavwaelelele nakushangazala lijwi lya Mwene, co vaje vavaangwililile ku mwonyo wa myaka yoshe vakulaelele.

1 Kolinte 10:13 Vyeseko vyoshe vilinakwija kuli yeni vinapu ngwe vije vakeseka navyo vanu voshe. Oloni Njambi akanyungu cikulaeso cendi, co katava ngeci vamyeseke na vyeseko vyakutuvakana nzili yeni ngeci mwimane mbe, a simbu ije vamyeseke, ikeye akamyana nzili yakukolesa, co amisholwela ngila ngeci mwase kutundamo.

1 Kolinte 16:9 Omwo vananjishokolwela mbelo yakupanga vipangi vyavivwa, nambe kuli vitozi vavangi.

2 Kolinte 12:9 Co ikeye wanjkumbulwile ngwendi, "Kutetela kwange kunapumo ku vyoshe, omwo nzili yange yapwa yakukomokesa omo unazeye." Ngecivene, njilinakuvwaelela manene a vyuma vyakuzeya vyoshe-ivyoshe nakujolela akunyunga kwa Kilistu na nzili eyi ili ali yange.

Efeso 6:11 Zaleni vitwa vyoshe vije vyanamyana Njambi, ngeci mwase kwimana nakulwisa matumbe amavi a Liyavola.

VaHevelu 1:7,14 Oloni kuli tungelo Njambi wendekele ngwendi, "Njambi napwisa tungelo twendi lihunzi, co ikeye napwisa vangamba vendi milangi ya tuhya." 14 Tungelo vapwa vikajo? Vapwa minzinzime vaje vakapangela Njambi, co avatuma mukukwasa vaje valinakutambula kwovoka.

Yakomba 4:7 Ngecivene, ononokeni kuli Njambi. Vyaneni Liyavola, co akamijejuka.

1 Petulu 5:10 Oloni omo munayanda kasimbu kakandondo lika, Njambi wa kutetela kwshe, uje namisana mukulipangela vumpau vwendi vwa myaka yoshe muli Kilistu, ikeye vavenya akamijelesa nakumyana kwimana mbe na nzili na luvula lwaluvwa.

Pastor T. John Franklin

Church of Salvation, Healing, and Deliverance - COS-HAD.org